

嘉慶

黃平州志

清·李臺 修 王孚鏞 纂

嘉慶六年刻本 十二卷首一卷

一九六五年貴州省圖書館據道光三十年

增補本複製油印本 附校勘記

黃平州志複製說明

黃平州志，十二卷，清嘉慶三年州人李臺請於署知州陶廷珩倡修，王孚鑄纂，於嘉慶五年歲事，同年付梓；後於道光十三年進行增補。原書板框高六市寸，寬四市寸。現據貴州省博物館藏增補刻本複製。缺頁及模糊不清之處，則據本館所藏舊鈔本補入。

本志修纂期間，正值平越裁府改州，黃平州由平越府改隸鎮遠府之際，複製校勘時，除以乾隆貴州通志及民國黃平縣志作參考外，還據

黃平州志

複製說明

乾隆鎮遠府志、光緒平越直隸州志對有關文字作了校正；此外，還改正了部份我們能發現的錯別字。凡經校改之字，均按卷頁順序編入書末所附校勘記中，以供參考，歡迎讀者批評指正。

承貴州省博物館借給藏本，謹此致謝。

貴州省圖書館

一九六五年十月

黃平州志目錄

卷首

序

姓氏

凡例

輿圖

卷之一

方輿志

疆域

名勝

黃平州志

卷首 目錄

星野附氣沿革

古蹟附塚里堡

山川

風俗

卷之二

建置志

城池

坊表

卷之三

官師志

秩官

土司

卷之四

食貨志

附前明指

名宦

武備附

官署

壇廟

驛傳

津梁

田賦 戶口 徭役 經費

蠲卹附優積貯 物產

卷之五

學校志

聖制 廟祀 禮典 書院附為學

賓興

卷之六

選舉志

科第附薦辟貢監 香援例 附據吏軍功 封廕

卷之七

黃平州志 卷甫目錄

二

人物志

鄉賢 忠孝 宦蹟 學行

尚義

卷之八

列女志

節孝 貞烈 賢淑

卷之九

藝文志

藝文上

卷之十

藝文中

卷之十一

藝文下

卷之十二

軼事志

祥異 寓賢 寺觀 仙釋

方技 雜記 苗蠻

黃平州志 卷甫目錄

三

黃平州志序

合一方之忻戚憂愉肫然周通如一身而後可以言治其疆宇則骨幹也其賦役則血脈也其性情風俗則精神也精神治而後血脈周血脈周而後骨幹立非是則痿且廢而事不可得而理黃平在黔為文物聲名之地科名輩出甲於他郡近年以來多稱其難治或至視為畏途余嘗攝理三

黃平州志

卷首序

一

閱月察其病在於血脈之不周思欲調其精神使之完密純固而後徐徐及之州之民亦似不余非也顧嘗念良醫之處方其用心必周乎人骨脈腠理之際使其疾如在己身而後方可效良吏之為治何獨不然數百里之間無智愚賢不肖皆知官之所為悉所以為我而無自私自利之心有不令之而行不禁之而止者乎信而後勞

其民此即處方和劑之法安得以為迂濶

而惟所欲為哉惟其地當孔道往來之使絡繹官斯土者朝夕不遑日以廚傳供張為事計出入綜贏縮勢處於無可如何故不得不為一切苟且之政以求效目前嗟乎廚傳供張何事也一健僕能為之而士大夫至疲精憊神求盡於此以為稱職是尚得謂民之咎哉在黃平時州人王序東

黃平州志

卷首序

二

明府問以公事謁余余為道其言明府頗疑之時方創修州志明府實總其事以志稿屬為勘定明府正人也其書亦詳贍有法書成值余權守思州走書索序余因舉余前所以思治黃平之道述而記之不必可為典要也

賜進士出身奉政大夫同知判鎮遠府清江廳

事署思州府知府前代理黃平州事長沙

周有聲撰



黃平州志

卷首序

三三

黃平州志序

志之異於史者謂其著美而隱惡故史期於直志期於厚此其體固然然惡者誅而善者益勸史未嘗不厚美者錄而否則沒焉志何嘗不直哉余謂志之體小於史而難於史何也史總一代之全典章政教功業行能可述者多患文不足著之耳志則拘於方隅雖有沈博之才無所於施故患

黃平州志

卷首序

四一

其陋也史據當時日錄及詔勅奏疏之文患繁冗不能斷耳志則窮鄉鄙屋有善必紀又溯之數百年湮沒之餘文字既無可資見聞復多不及故又患其遺也史所書之事若人於作者相關涉百之一二耳即論贊或徇好惡其事實不可得而增損志則一州邑之人皆有姻戚久故之好焉雖主之以守土之官假手於異地之士而十

年以前之事與人彼無從知采訪稱道者仍出此都之口耳故又患乎其私也黃平為州為衛前分後併開創幾五百年前有周草亭先生衛志二卷載在明史藝文而州與其家皆無藏本繼是李別駕朱中丞王文學先後有述詳畧互異大率因省郡志所已載而稍詳其沿革備其溪阜物產於州之士女非崇祀旌表者多不錄蓋人

之耳目不能偏於一州雖有見聞嫌於私而不欲著也文學弟序東進士余鄉舉同年生也令朝城矢公勵勤獎崇善類稱良吏與俗齟齬罷歸且二十年於鄉人懿德美行聞輒簡記蓋不得施於世者欲以施之其鄉以就乃兄之業然慮見聞有遺未敢據也歲戊午余自安城罷歸過序東語及此以是告之時銀臺李笠山先生養疴

林下鄉之望也而會稽陶進士南園以清平明府來攝州事二公皆博學能文章樂道人善於序東有全心明府於是請於上官而序東迺倡新舊州之士醵資設局遍告閭里凡前人善行有家譜碑墓傳記可據及著在耳目者各具梗概送局既又屬同志士友周歷邨坊博采輿論然後序東總為續輯而銀臺裁定焉會余主講濟陽

郵其稿謂余裏討論之事余謂前所云云以序東之公且勤可以自信况重以諸君子之公聽而並觀乎若余之謏陋既不能有所討論而志以紀實要不使蕪陋足矣固無待于文也

時

嘉慶四年仲秋望前一日甕安傅玉書序

黃平州志序

粵稽周官司徒掌邦土地之圖周知九州之域廣輪之數司險掌建九州之圖周知山林川澤之阻誦訓掌方志以知地俗所知之大小廣狹不同而不可不知則同其即後世直省通志及府州縣志之所由昉歟黔省自府若廳而外直隸州一州十四縣三十有四有志可考者十不得三四焉

黃平州志

卷首 序

七一

其山川人物之美忠孝節烈之行不特守土者來自異邦無從遽悉即生於斯長於斯者往往不能知之即有得於故老之傳聞及附見於省郡志中知之而亦不能詳載言之真憾事也黃平自有明創設州衛二治民苗雜處境屬衝衢素稱繁劇數百年來其式廓之增人文之啟庶類之蕃殆未易屈指計是不可以無志丁巳夏余奉

檄來署茲篆索州志不得為悵然者久之

明年春州人王序東先生因公來謁余余告之故先生曰然是誠余州之急務也乃言及前中丞朱奎山先生曾輯志稿數卷藏於家雖未詳備而大畧已定蓋可踵而成之爰糾闔州紳士商之於李笠山先生乞為領袖遂復合詞籲請於余余雖不文不敢重違其請乃具文轉申各憲允准舉

黃平州志

卷首 序

八二

行戊午夏將謀開局時余適有採辦滇銅之役尅期瓜代不克共勩盛舉勉効操觚庚申夏接王公郵書至滇知已將朱中丞舊稿詳核增補編次成若干卷陸續付梓將竣問序於余竊惟志者史之一體期於信今傳後考獻徵文而止無取鋪張揚厲為也黔之人向不聞有以輯志為急者間或有之非失之繁冗即病於疎漏可稱者

不數數觀今州之人士聞有是舉莫不踴躍趨事又幾經鄉先輩舊定善本諸君子釐訂成編洵稱完備其有關於政治資於考鏡者不淺是豈特州之人之幸抑亦守土者之樂於通觀厥成也是為序

時

嘉慶五年歲次庚申七月中斡會稽陶廷

珩書於滇南寓齋

黃平州志

卷首序

九三

序

地志盛於唐元和而華陽國志已導其先華陽晉記也晉近漢為確其志沂沅水一條與後漢書合又云元封元年置牂牁郡又蜀漢以馬忠為牂牁太守而皆統之南中後漢書云楚頃襄王遣將莊豪將兵伐夜郎軍至且蘭椽船於岸而步戰遂滅夜郎以且蘭有椽船牂牁處乃易其名為牂

黃平州志

卷首序

十一

柯是改且蘭為牂牁非改夜郎為牂牁也由今揣之夜郎與牂牁似為與國接壤大抵夜郎治不出遵義平越二境或者其民居無常處耶又按漢書地理志注沅水出牂牁入於江又曰無水首受故且蘭入沅舊志云且蘭湄甕黃施之交今湄水源自黃平舊州都凹山然則故且蘭即黃平舊州治牂牁江即湄水似為得之又新唐書

云貞觀十六年開山洞置漆州漆溪郡領  
縣五榮懿扶歡夜郎麗皋樂源樂源即今  
黃平舊州卷元和三年州廢依此則樂源  
即古牂柯牂柯即故且蘭無疑矣余以乾  
隆戊申司鐸黃平實駐其地覽山川之秀  
發井落之湊集田疇之平行人物之瑰瑋  
物產之豐腴要為黔地下游沃壤太白云  
蠶叢及魚鳧開國何茫然令人畢然起三

黃平州志

卷首序

十一

代以上之想矣州舊無志創輯較艱歲戊  
午兩州人士慨然有志斯舉於是啟州守  
詳定其事濟以李納言為主裁王鴻軒傅  
竹莊為編纂余樂觀其成因畧考核地理  
質諸二三君子然與否與抑予竊嘆地志  
有三難耳目境接桑梓情濡趨避多忌一  
也諛墓輸金佳傳索米瓠壺瓦缶鼎鐘蒼  
黃二也阡陌交通米鹽凌雜一以為算簿

一以為郵程尺寸相資彌縫舊物三也去  
此三者乃信而有徵諸君子皆凜凜自持  
故絕無茲病然考古者殉今由前之說其  
有附會之見者存耶抑亦以地志者志其  
地不可不詳確也是為序

時

嘉慶五年閏四月既望貴陽許克家後田

氏撰

黃平州志

卷首序

十二

黃平州志序

古者太史陳詩納賈以觀民風今州縣蒞任必詳覽須知之冊以其方輿地丁圖籍由郡而上之藩撫達之部曹因地施治未已也又必稽其城郭官署學校之因創形勝之險夷道里之遠近戶口田賦之多寡人物節行之端亮文章經濟之特達謠俗飲食被服之異同詳而列之為志所以備

黃平州志

卷首序

十一

參考明政治資化導也黃平為滇黔咽喉重區其山水瑰奇地當衝要惟奇也故名流踵興節烈輩出惟衝也故民苗雜處獄賦紛煩守土者不得以一須知了事也余以乾隆六十年調刺斯土求州志不得州人序東王先生以名進士為東魯名宰休沐歸里來謁詢之以為非無附志於省郡者然不詳不備是吾州之闕典也前中丞

奎山朱先生曾草創未就當偕孝廉周子

繡章請於鄉先達笠山李先生訂正而卒成之嗣以軍需旁午置未暇理越三年而王公編次成帙出其分類撮要者與余商焉大約蒐羅必詳考核必確幽潛必發揚厲必真勿憚勞勿避怨務在徵實無有瞻徇期於傳信而止傳曰文獻不足則不徵顧獻非文不傳文非獻不著茲志之成其

黃平州志

卷首序

十二

有資於政治關於化導非小補也是為序時

嘉慶四年小陽月望後楚北漢川劉世棟鶴亭氏書於黔之官舍

州志叙

志者史之一體周禮小史掌邦國之志今國史一統志是也外史掌四方之志今直省通志及府州縣志是也稽之實錄信之紅本其理博而詞不繁故史臣之志難而易廣之見聞考之紀載其體繁而物不博故府州縣之志易而難更有歷時未久其地理人物史家固無由詳又不可信心鑿

黃平州志

卷首序

十一

空以為一家之言則尤難之難者也吾黃創自明初設州衛二治始分而終合境界苗疆地既屬衝要而幅幘廣濶與他州大異迄今四百有餘年矣庶類蕃蕃人文蔚起宜有專志乃其事蹟僅畧附於省郡諸志非所以徵文考獻也嚮無州人起而修之者即有私著率簡畧不足觀乾隆間朱中丞公定元居母憂嘗輯州志六卷可云


具體但於舊城事采摭稍畧未為完善今兩城士眾一時同聲籲請修輯各願捐貲勸助斯志所賴以觀成者也頃諸友推余為領袖以董厥事而表弟王鴻軒孚鑄實擅創論之才浼之操觚渠亦慨自効不辭又浼襄贊諸友各司其事以新易舉其採摭大抵以朱公所撰及李公占春舊稿為底本而旁拾諸舊載之可信者寧密毋疏

黃平州志

卷首序

十二

寧詳毋畧要以不漏不誣為足傳信來茲而已矣余以耄耋癯叟既老且病欣逢盛舉藉手告成實無毫髮自任之力冒名簡端有餘愧焉謹序并書時年八十歲里人李臺



序

書之有序始於子夏之序詩其後劉向校書每成一編即綴一序左思賦三都成自以名不甚著求序於皇甫謐然皆一篇而止未聞有更迭為之者亭林顧氏之言曰府州縣志書成必推其鄉先生之齒尊而有文者序之否則官於其府州縣者也請者必當其人其人必審其無可讓而後為

黃平州志

卷首序

十七

之官於是者其文優其於是書也有功則不讓於鄉矣鄉之先生其文優其於是書也有功則官不敢作矣義取於獨斷則必自為之而不讓於鄉與官矣黃平州志之修也予牧黃之二年書適告成其序之也其鄉先生則有朱奎山中丞李笠山銀臺王序東明府是不獨在官矣其官於斯則有周希甫司馬劉鶴亭刺史陶南園明府

許後田廣文是不獨在鄉矣其秉筆獨斷

則傳竹莊明府實任其事是鄉與官亦有不讓者矣乃都人士顧猶諄諄以序屬予夫兼斯三者而皆崇論閎議各抒藻麗為是書冠冕者極美且備予乃操秃管瓦硯勅說雷同以強隨其後乎予既不敢勅說雷同強隨其後則又何詞以塞都人士之雅意而伸予之鄙懷乎夫官署傳舍也守

黃平州志

卷首序

十八

官者過客也權攝之官又過客之倉卒者也予雖不敢存五日京兆之心然利所當興弊所當去法令之所當具教化之所當先自問無一實濟於民之事徒以手版腰帶僕僕衝衢既盡忠補過之未能亦考獻徵文之不暇則予之遜謝不敏也實於此書討論得失斟酌同異未有寸長思以藏拙而掩陋也抑古語云家有敝帚享之千

金自顧謗材薄植舉筆搗詞不能有所發明然質而言之論是書之所由作則奎山中丞之始功不可沒而踵而成之者各出其心手以共罄其緒餘擘擋立局矻矻累年自笠山銀臺序東明府而下諸君子贊襄檢校之勤何可負也夫昔之無志者而今有志其事屬創創則因而精求之詳訂之也不難矧黃平蘊山川之秀實產人文

黃平州志

卷首序

十九

由是興起蔚蒸鬱為

國華當更有大書特書屢書不一書者則予之不敢率爾操觚而又不能嘿嘿重違都人士之請者其苦心可以鑒矣  
嘉慶六年歲在辛酉夏月鄂江安嘉相書於黃平官署西偏之夢魚堂

黃平州志序前八行殘毀

李占春

太弁陳公紹英率修府志黃平志亦經刪補丁亥春郡邑罹藍二難一切書史俱與城社同燼厥後孫慙竊據人人從鋒刃中偷生即諸生亦失去本業不講此志者久矣辛丑臘占春自滇回山居無事每從八十老父前叩諸往事父曰細語前朝固是傷心事然此時不之知後竟無據矣占春始將黃平規制不憚咨訪或翻遺文或詢前輩每有所聞即筆於紙如此者踰年始有頭緒遂憑臆見列為一十一志志下約有五

黃平州志

卷首 舊序

一

十六則凡藝文下序記等不與焉此占春葛藟之見也曷敢言書異日戚揚欽鐸翰楮流馨賢有云俯而詢及得以藉為郡志根本又安見占春葛藟之見不亦有關於父母之邦也哉凡一人一物一句一字皆從三代之直直行毫不敢私有竄入存為信史占春志也惟是芳躅之未盡哀錄嘉言之多有遺亡是則占春之罪也已要此草創也曰討論曰修飾曰潤色則又在後之君子時壬寅臘月既望日也樸莊道人李占春書而藏之弟馥春男經同閱

黃平州志序

朱定元

稽之周禮掌邦國之志者有小史掌四方之志者有外史掌天下之圖籍者又有職方氏志顧不重乎哉况戶口田土勞及山川之形勢學校職官下逮地方之兵防悉關政體攸繫民瘼且忠孝節烈更足以起發人心振興風化志顧不重哉總緣黔處遐荒屢遭劫火不惟簡編殘缺並殘缺之簡編俱杳焉無存遂使入境觀風者問其因革並不知何者為因何者為革問其名宦人物亦不識某為此邦之名宦某為此邦之

黃平州志

卷首舊序

二

人物甚至節義無稽祀事缺考坐使士不通今吏不達俗有志者興歎於文獻不足負此重華之盛世心滋怒矣余前匏繫吳越宦遊豫東政事之餘即檄各屬纂修志譜黼黻文治而顧聽桑梓之地杞宋無徵詎不更深愧報第歲奉

簡書南北奔馳有志未逮甲子丁艱在籍親友盧君玉青王君彩明俱以邑無記載為言遂不揣固陋於苦帷之中搜覽兼聽閩新舊二城之人文事跡登記簡冊斯時也余無官守言責敢曰

即以此為邑之志哉蓋有感於失今不輯後更無稽且志也者紀其實不襲其文如徒粉飾鋪張文過其實雖敷華棧藻月露風雲識者且將從而疑之矣余固不文第求其實不徇門戶之私不因親識之請或仍其舊轍或加以新增訛者正之疑者闕之條分縷析編纂成書而廣搜博採體備詳明甚有望於後之賢君子也夫

黃平州志

卷首舊序

三

黃平州志畧序

王孚鐸

地之有志蓋要隘風俗物產賦役之事皆為攸  
 之資而昔人之懿行嘉言亦足為後人觀感興  
 起之助非徒欲誇耀為勝地已也吾州在宋元  
 以前為縣為郡其沿革之詳不可考矣自明迄  
 今數百年州衛分治而合并為州政教日新入  
 士日盛而史傳及省郡志所載百不及一余私  
 懼守土之善政與鄉人士女之懿美久而湮沒  
 也爰於遠近耆舊好古而樂道人善者每見必  
 訪有聞輒記積之歲月頗得其概乃合之史傳  
 及省郡志所載者編秩為書名曰志畧恨見聞  
 譾陋揆舉不文非敢云著述聊為後之作考噲  
 矢云爾時乾隆甲辰秋七月

黃平州志

卷首舊序

四

吳三黃平州紳士李 臺王孚鐸周卜年朱文

虎敦德彬陳遠修鄔秉鑑戴九德王德遠張廷  
 魁徐懋迪劉奇相王錫祺張道統賈思達劉琬  
 而吳會雲等呈為創修志乘以光文教以資考  
 證懇恩詳請飭辦事竊惟

國家重熙累洽稽古右文四庫書薈萃淵涵纂述  
 定千秋之論一統志搜羅完善車書徵萬國之  
 同凡茲海澨山陬盡入

天璣甄度遐荒僻壤悉歸

盛世鴻圖誠哉德洽垂謨允矣治資鑒古惟我黃平

黃平州志

卷首 原呈

一

地雖隸乎邊隅俗久濡夫雅化遐稽宋代粵傳  
 狼洞之名暨及熙朝移建興隆之衛既禮陶而  
 樂淑風氣日新亦摩義而漸仁民苗稱樸顧山  
 川形勝不難援古以證今而品物人文漸已增  
 華而踵事以至城郭興廢之蹟津梁因創之原  
 要皆今昔異宜後先殊致苟使簡編有缺紀載  
 無聞則儒生考古得毋嗟文獻之無徵太史陳  
 風不幾嘆輶軒之莫採誠士民所共憾亦閭里  
 所滋漸者也今者民康物阜戶慶盈寧歲美時  
 和人懷樂利矧際凱歌載道正修文偃武之時

欣逢

賢牧下車仰勵俗維風之治鑄等眾議捐貲修理合州志書凡有紳士耆民咸皆踴躍理合公呈稟懇

父臺俯順輿情轉詳

上憲如蒙允准俾獲興修付之剗剗以垂久遠則從川原品類之間源源可按城市園廡之內井井堪稽將見挈領提綱一展卷而瞭如指掌庶幾信今傳後雖逾時而炳若日星功莫大焉典至鉅也幸惟垂察伏候

黃平州志

卷首 原呈

二

鴻裁為此具呈須至呈者

黃平州正堂陶

批候據詳飭遵詳奉

平越府正堂郭

批當茲

盛世允興稽古之文况有名賢堪繼陳風之蹟所詳

事屬可行仍候冬

憲批行到日另檄飭遵此繳又奉

糧儲道孫 批仰平越府飭候

兩院憲暨 臬司批示遵辦繳又奉

按察使司張 批據詳已悉仰候

兩院暨 糧道司批示飭遵繳又奉

布政使司常 批據詳州屬紳士李臺等呈請

修理合州志書緣由洵為盛舉應與施行仰平

越府速即飭候

糧道司

批示到日擇吉舉行仍俟工

竣刷送一套呈閱可也此繳又奉

巡撫部院馮

批據詳州屬紳士李臺等請修

志乘以備稽考而徵故實應否舉行及作何辦

理之處仰布政司查議詳奪再黔省通志年久

缺修亦應查核辦理仍候

督部堂批示緣又奉

黃平州志

卷首 原呈

三

督部堂鄂 批據詳州屬紳士通政使李臺等

眾議呈請捐資修理湖州志書緣由仰貴州布

政司查議飭遵具報仍候

學部院批示繳